

## Die schwowisch Bienezichterin

Doneilich han ich mol wieder mei Freindin Monika Ernst in Tschanad bsucht. Ich han jo schun efters iwer des fleißichi, eigentlich Bogaroscher Weib gschrieb. Desmolrum han ichs als Bienezichterin kennegelernt. For mich e Thema, iwer des ich bisher wenich gewisst han, doch es Monika hat mich ufgeklärt iwer sei Arweit diesbezieglich:

„Ich han schun immer dran rum gstudiert, mer e Bschäftichung zu suche, erschtmols in freier Luft. Dann sin ich druf kumm, dass mer in aller Ruh der Imkerei nohgehn kann, ohne dass em jemande stresse tut. Dass mer Freed dran han kann un wann mer sich gschickt anstelle tut, ach was derbei verdiene kann. Mit 18 Biensteck sin ich in de Winter gang, leider han ich eene inzwische verlor. Iwers ganzi Johr muss mer e Au uf die Biene han. Im Winter muss mer druf achte, dass die Eingänge zu de Bienesteck nit zugfriere. Im Jänner muss mer de Biene schun zusätzlichi Nahrung (die mit Medikamente vermischt werd) zukumme losse. Medikamente desweje, weil Biene verschieden Krankheite oder Vitaminmangel han kenne. Im Feuer muss mer dann immer am Eingang zum Bienestock horche, wie es de Biene geht, weil mer derf jo de Eingang nit ufmache. Un je nohdem, was mer heert, kann mer inschätze, wie dass es em Volk geht. Heert mer ganz schwach, do han se zu wenich Nahrung, wann de Ton scheen un dorchgehend is, weeiß ich, es geht de Biene wohl gut un wenn hochi Teen zu heere sin, do han se wohl ihre Keenichin verlor. Im März, wann die Täch wärmer gin, muss schun versucht were, Blütenstaab zu finne, im Friejhohr sterwe jo Biene ab un sie misse sich e neiji Generation zichte. Die Keenichin leet schun Aijer, mer muss schau, ob schun Larve do sin, ob die Keenichin aktiv is. Mer muss die Bienesteck in Gegende bringe, wu se ihre Nahrung finne. Wann mer verschieden Arte vun Honich han will, misse die Bienesteck `gewannert` were. Mer muss halt ach owacht gin, je weiter weg zu gehn vun Gegende, in dene gspritzt werd“.

Biene in der Maroschau

Monikas Biene geht's gut in der Maroschau bei Tschanad, dort is Naturschutzgebiet un es wachst die Zwerchakazie – e Zeije derzu, dass dort nit gspritzt werd, weil der Baam wachst nor in Gegende, die nit verunreinicht sin. De Honich, der dort produziert werd soll e Delikatess sin. So hats Monika eigeni Technike un Erfahrung gammelt, es tauscht sich mit ältere Imker aus.

Un wann die Red ufs Honichschleidre kummt: „Gschleidert werd, wann Honich do is. Wann mer e gewissi Art vun Honich han will, dann schleidert mer ach dann, wenn wenicher Honich do is. Leider werd die Arweit der Biene un ach der Imker immer schlechter bezahlt. Drum versuch ich, verschienei Spezialitäre herzustellen, in Kombination mit Nusse, Obst Kheere, gin de Gläser e besonderes Design. Ich mach die Keifer druf ufmerksam, wie gsund de Honich is“!